



Broj: 0101-3138 / 15
Sarajevo, 20. 05. 2015. godine



Rektor Univerziteta u Sarajevu, rješavajući po zahtjevu Kliničkog centra Univerziteta u Sarajevu u predmetu dodjele statusa/naziva univerzitetske bolnice broj: 0202-22207 od 30. 05. 2014. godine, na osnovu člana 104. Zakona o zdravstvenoj zaštiti („Službene novine Federacije BiH“, broj: 46/10 i 75/13), a u vezi sa članom 120. Zakona o visokom obrazovanju-Prečišćeni tekst („Službene novine Kantona Sarajevo“, broj: 42/13), kao i člana 200. Zakona o upravnom postupku („Službene novine Federacije BiH“, broj: 2/98 i 48/99) i Odluke Nastavno-naučnog vijeća Medicinskog fakulteta Univerziteta u Sarajevu broj: 02-3-NŠ-2255/14 od 26. 05. 2014. godine, donosi

RJEŠENJE

1. Kliničkom centru Univerziteta u Sarajevu dodjeljuje se status/naziv univerzitetske bolnice.
2. Status/naziv univerzitetske bolnice iz tačke 1. ovog rješenja dodjeljuje se sa rokom važenja od 5 (pet) godina, računajući od dana konačnosti ovog rješenja.
3. Ovo rješenje upisuje se u registar univerzitetskih bolnica Federacije BiH koji vodi Univerzitet u Sarajevu.

Obrazloženje

Klinički centar Univerziteta u Sarajevu podnio je zahtjev Univerzitetu u Sarajevu za dodjelu statusa/naziva univerzitetske bolnice na osnovu člana 104. Zakona o zdravstvenoj zaštiti, kao i člana 19. Pravilnika o uvjetima koje moraju ispunjavati bolnice za dodjelu naziva univerzitetska bolnica („Službene novine Federacije BiH“, broj: 85/12). Uz zahtjev je podnijeta sva potrebna dokumentacija iz člana 18. citiranog Pravilnika.

Po prijemu uredno dostavljenog predmetnog dokumentiranog zahtjeva, kao i njegove ocjene u pogledu ispunjenosti uvjeta iz Zakona o zdravstvenoj zaštiti, odredbama Pravilnika o uvjetima koje moraju ispunjavati bolnice za dodjelu naziva univerzitetska bolnica, kao i propisima o visokom obrazovanju, te propisima o naučno-istraživačkoj djelatnosti, rektor Univerziteta u Sarajevu je, saglasno svojim nadležnostima iz člana 104. Zakona o zdravstvenoj zaštiti, a u vezi sa članom 120. Zakona o visokom obrazovanju, donio rješenje kojim se Kliničkom centru Univerziteta u Sarajevu dodjeljuje status/naziv univerzitetske bolnice. Status/naziv

univerzitetske bolnice dodjeljuje se sa rokom važenja od 5 (pet) godina, računajući od dana konačnosti ovog rješenja. Ovo rješenje upisuje se u registar univerzitetskih bolnica Federacije BiH koji vodi Univerzitet u Sarajevu.
Imajući u vidu navedeno, rješeno je kao u dispozitivu ovog rješenja.

PRAVNA POUKA

Ovo rješenje je konačno, te se protiv istog može pokrenuti upravni spor pred nadležnim sudom u Sarajevu u roku od 30 (trideset) dana od dana prijema Rješenja.

REKTOR

Prof. dr. Muharem Avdispahić, dr. h. c.



Dostavljeno:

- Kliničkom centru Univerziteta u Sarajevu x2
- Federalnom ministarstvu zdravstva
- Ministarstvu zdravstva Kantona Sarajevo
- U dokumentaciju UNSA x2
- Arhivi